

K29-51
1

中國方志叢書·華北地方·第五六四號

據

清·陳士楨修，涂鴻儀編輯
道光十三年刊本

影印

甘肅省

蘭州府志

(二)

成文出版社有限公司印行

蘭州府志卷六

武備志

附歷代兵事

或問是志部分一倣康對山武功志以歸簡要而獨增武備志何居曰蘭郡固自昔用武之地也負山帶河控扼邊塞漢唐以來西陲之叛服擾定未有不視金城爲進退者也我

朝文德誕敷邊民享太平之福垂二百年然制治保邦之模未嘗一日忘備故開建大府輔以重鎮所以嚴先事之防者視前代爲尤得其要固不容不

特詳之焉今備述營伍規制而附歷代兵事於後
俾古今撫邊得失善敗之由俱有可考鏡云

督標中軍副將一員左右營參將二員前後營遊擊
二員都司一員守備四員千總十員把總二十員經
制外委三十員額外外委二十四員馬兵一千二百
五十名馬如其數步兵一千二百五十名乾隆四十
六年及四十九年續增馬兵一百五十五名步兵四
百八十一名道光九年涼州鎮改爲協撥歸督標兵
五百名內已補馬兵一百十一名步兵一百三十一

名十二年涼州復改鎮餘兵仍歸涼州

河州鎮總兵一員左右管遊擊二員守備二員千總
四員把總八員經制外委十二員額外外委八員馬
步守兵共一千七百四名城守營都司一員千總二
員把總四員經制額外外委各四員馬步守兵共七
百八十六名定羌驛汛千總一員經制額外外委各
一員馬步守兵共七十名唐家川汛經制外委一員
馬步守兵共四十二名共馬一千一百三十匹刀二
千四百五十弓一千二百十有一箇四萬一千六百

二十鞞袋如弓之數大礮十威遠礮五馬腿礮八母
子礮八劈山礮五火鎗二千二百有五
鎮屬外路各管兵馬軍器
不在此數

蘭州城守營參將一員守備一員千總一員把總三
員經制外委四員額外外委三員馬步守兵共五百
九十三名馬一百四十七匹
臨洮營都司一員把總一員馬步守兵共三百三名
馬五十六匹沙泥站汛外委一員馬步守兵共三十
六名分防渭源縣外委一員兵二十五名

金縣營把總一員馬步守兵共一百一名馬三十四

匹以上俱屬河州鎮

靖遠協副將一員都司一員千總一員把總二員經
制外委四員額外外委三員馬步守兵共五百二十
三名馬二百十七匹

蘆塘營遊擊一員千總一員經制額外外委各一員
馬步守兵共一百九十八名馬八十九匹

永安堡守備一員經制外委二員額外外委一員馬
步守兵共一百三名馬十九匹

三眼井營都司一員經制額外外委各一員馬步守
兵共一百四十二名馬十二匹紅水管守備一員經
制額外外委各一員馬步守兵一百三十五名馬十
四匹永泰營把總一員守兵六十九名俱隸永昌協
塘汛皆列烽置墩撥兵住守皋蘭縣東路九空心墩東岡坡
張家坪三角城甘草店車道西路八十里痛漫灣墩靖民墩沙岡墩
嶺定遠驛崖頭店清水塘
新橋子沙溝口南路六二十里舖和尚舖黑窩墩北
劉家溝新添錢關溝門中舖塘亂山子
路五蔡家河鹿角峴紅泥西南路五何家山尖山子
河沿

狄道州東路三湯房墩馬家西路一轉嘴北路十

敦林家墩陳家墩新添鋪康家墩太石鋪黑黑溝
山墩中鋪墩關溝墩

渭源縣三 欽家鋪關山墩康家店

金縣五 定遠鎮崇臺坪崖頭店清水鎮賀家鋪

河州西路五崔家原乾溝巖小山北路六船坡墩青

山黑臺山梨哥山党家原東北路六下羊哥山劉家山朱家山

北路二 乾溝山孔家寺

靖遠縣東路六打刺赤狼山鋪喬山峴紅水川乾隆

西路四古城車路溝乾隆五十年南路三興靖堡乾

添建二處馮北路二十二紅柳泉新墩水泉營索橋
家堡大路子河索橋堡小蘆塘席茭坡
塘馬窰小川子三角城裴家堡中沙河三岔溝鎖罕
堡八泉營喜鵲峴大廟河五方寺八泉要路小紅溝
乾沙河乾隆五十年添建一處床子灘

教場皋蘭縣在廣武門外

明正統十四年都指揮李進增修舊志稱計地五百

二十四畝以後枕黃河日就衝毀
國朝乾隆四十年總督勒爾謹等重修移演武廳向前

十七丈計地三百七十三畝
繚以周垣

又有小教場在廣武門內

乾隆三年

巡撫元展成建橫一百三十步
縱一百四十步

〔狄道州〕在城東北一里

明總兵孫

仁恢拓舊基重建

渭源縣在城北金縣在城西〔河州〕在城東

二里靖遠縣在城東南三里

附 歷代兵事

秦始皇三十三年蒙恬將三十萬衆北逐戎狄收河

南築長城起自臨洮

按秦時臨洮雖非此地而此地入中國實始秦時故仍首書之

漢呂后六年夏六月匈奴寇狄道十七年冬十二月

匈奴寇狄道略二千餘人

文帝十一年夏六月匈奴寇狄道

武帝元狩二年春三月遣驃騎將軍霍去病出隴西

至皋蘭斬首八千餘級元鼎五年秋九月西羌衆

十萬人反與匈奴通使攻安故圍枹罕六年冬十月

遣將軍李息郎中令徐自爲征西羌平之

宣帝神爵元年春三月西羌反發騎詣金城夏四月
遣後將軍趙充國彊弩將軍許延壽擊西羌六月卽
拜酒泉太守辛武賢爲破羌將軍與兩將軍並進後
將軍充國言屯田之計二年夏五月羌虜降服斬其
首惡大豪楊玉首非首置金城屬國以處降羌

元帝永光二年秋七月西羌反遣右將軍馮奉世擊
之八月召太常任千秋爲奮威將軍別將五校並進
二年春西羌平軍罷

漢書馮奉世傳羌多姐旁種反
上問用兵之數奉世對曰反

無慮三萬人法當倍用六萬然羌戎器不犀利四
人一月足矣以決丞相御史兩將軍皆以爲發萬人
守之且足奉世曰以萬人分屯數處虜見兵少必不
畏懼戰則挫兵病師守則百姓不救羌人乘利相屬
而起臣恐中國之役不得止於四萬故少發師而
日與一舉而疾決利害相萬也有詔益二千人典屬
國任立爲右軍屯白石護軍都尉韓昌爲前軍屯隴
洮奉世爲中軍屯首陽西極上前軍到降同坂羌虜
盛多皆爲所破奉世具上地形部衆多少之計願益
三萬六千人天子大爲發兵六萬餘人拜任千秋爲
奮武將軍以助焉十月兵畢至隴西十一月並進羌
虜大破斬首數千級餘皆走出塞上日羌虜創艾其
罷吏士頗留屯田備要害處

更始元年隗囂起兵應漢分遣諸將徇隴西金城皆

下之後漢書西羌傳更始赤眉之際羌遂放縱寇金

光武帝建武十年冬十月先零羌寇金城隴西中郎

將來歟率諸將擊羌於五谿大破之後漢書來歙傳隴西雖平而人

饑流若相望歟乃傾倉粟轉運諸縣以賑之於是隴右遂安十一年夏四月先

零羌寇臨洮隴西太守馬援破降之後悉歸服徙置

天水隴西扶風三郡中元二年秋九月燒當羌滇

吾寇隴西敗郡兵於允街時明帝已立遣謁者張鴻

計於允吾鴻軍大敗戰歿冬十一月遣中郎將竇固

監捕虜將軍馬武等討之

明帝永平元年秋七月馬武等與滇吾戰大破之莫

士卒戍隴右

章帝建初二年夏六月燒當羌迷吾叛漢諸子金城太

守邠崇討之敗績秋八月遣行車騎將軍馬防討之

以長水校尉耿恭爲副恭屯枹罕數與羌戰明年秋

燒當羌降防還京恭留擊諸未服者首虜千餘人勒

奴燒何羌等十三種數萬人皆詣恭降元初三年

冬十月迷吾寇隴西章和元年護羌校尉傅育追擊

叛羌戰歿秋七月寇金城護羌校尉張紆誘斬之其

子迷唐復叛後漢書西羌傳育戰死以隴西太守張紆代爲校尉紆遭從事司馬防將兵會

戰於木乘谷迷吾敗走欲降紆納之設兵大會施毒
酒中羌飲醉紆因擊殺酋豪八百餘人斬迷吾等五
人頭以祭冢迷吾子迷唐及其種人向塞號哭與
燒何當煎當闐等相結種衆熾盛紆不能討坐每
紀作劉珩傳作張紆當從傳

和帝永元元年目張掖太守鄧訓爲護羌校尉遣兵
擊迷唐迷唐去大小榆谷徙居頗巖谷四年冬十

二月迷唐復寇金城五年冬十一月護羌校尉賈友

討之迷唐乃遁遠依賜支河曲九年秋閏八月迷

唐寇隴西殺長吏遣行征西將軍劉尚越騎校尉趙

世等討破之迷唐降十二年復叛十三年秋八月金

城太守侯霸擊之羌衆降者六千餘口迷唐種衆不滿千人遠踰賜支依發羌居西海及榆谷左右無復羌寇十四年春二月用曹鳳言繕修故西海郡拜鳳爲金城西部都尉將徙士屯龍耆

安帝永初元年先零種羌滇零叛斷隴道遣車騎將軍鄧騭征西校尉任尙討之二年騭尙與羌戰皆敗滇零稱天子於北地衆遂大盛湟中諸縣粟石萬錢百姓死亡不可勝數四年春三月徙金城郡都襄

武五年春三月詔隴西徙襄武西羌傳百姓戀土不樂去舊乃刈禾

稼撤室屋夷營壁破積聚時連旱蝗饑
荒而驅賊分散隨道死亡喪其大半

元初元年

護羌校尉侯霸騎都尉馬賢擊羌號多於枹罕斬首

二百餘級涼州刺史皮陽擊先零羌於狄道大敗

四年中郎將任尙及馬賢與先零羌戰於富平上河

大破之隴右平 永寧元年冬十二月燒當羌叛建

光元年秋八月馬賢討燒當羌於金城不利延光元

年冬十一月燒當羌豪降三年秋隴西郡始還狄道

順帝永和三年冬十月燒當羌祁離等寇金城馬賢

擊破之祁離復西招羌胡四年賢擊斬之 五年夏